

उकळती ओकळ
स्यू प्रळता
पगा नै
सादर समरपण...

—श्याम महर्षि

उकळती ओकळ
स्यू वळता
पगा नै
सादर समरपण...

—श्याम महर्षि

म्हारी ओळखा

कवितावां, म्हारी जि दगाणी, जकीनं में भात-भाति री बानगी
मांय खारोमोठो सुवाद लैयने भोगतो रैयो हू, री पडळिया हू ।

में आ नी वय सकू क म्हारी कवितावा आम पाठक रै किता
प्रति शत नें आपरें सामें लैय र चालें हू । पण आ बात सजोरा कैय सकू कें
कविता जठें ताई कुटम्बरर समाज रै घण कः हिस्से री साची फोडू आम
पाठक रै सामी नी राख सक, बठें ताई हू उणनै कवितानी सीकार सकू ।

रचनाकार जठें ताणी रचना रै माय यथायथादिता रा थोडा
भोतई गुण नी राखसी बठें रचना रो कोई नें कोई उजळो अण पकायत
एब'र रैय ज्यासी ।

में जठें म्हारी कल्पना करडी मायली पीड बानी स्पू सावचैत
हुय'र उणनै कविता म बाधण रै खातर रिज्यो हू बठें मानलें रै मोलकानी
स्पू भी सावचैत हू । रचनावा खातर में आ कैय सकू क कविता म्हारें

विगत

म्हारी भोळ्या	१	शिक्षा शास्त्री	५३
बात्तरो	५	नोकरी	५५
वाढ	८	मुलक रा ३० बरस	१७
अेक लाम्बी कविता	११	पामलो लुहार	६०
जाज रो रावण	१८	दिवाळी	६२
चौथ रो चोंद	२०	बै लोग	६५
पोसाळ	२१	डिग्री	६७
भावा रो बिश्वास भजाण स्यु	२२	उकळती जाकळ	६८
भागताडा	२३	रमतिया	६९
रुखाळा	२६	नाही कवितावा	८०
डर	२७	जातिवाद	७२
सभ्यता	२८	बदी	७३
बुलापा	३०	ओकळ	७४
मिनख	३२	भतुळिया	७५
मानीजता	३४	चाय रो कप	७६
बोपारी	३६	बम	६८
किरसाण	६०	लफासा लवतो पेट	८०
चिमनी रो धु वा	६२	कुण जाणै	८२
साप	६३	नू वो दिन	८३
पाठ	४४	लीलटासी आर्या	८४
जहर	४५	गिलगिली	८६
ऊमीजतो सै "र	४६	सुवाल	८७
हाडी	६७	पुजारी	८८
मझना बरग	६८	बदळाव	७९
छूट	५०	मळटाव	९०
भूरजी पितर रा नाडा	५१		

म्हारी ओळखां

कवितावा, म्हारी जिदगाणी, जकीनं में भात-भात री बानगी
मांय बारोमीठो सुवाद लयने भोगतो रेंयो हू, री पडछिमा हूँ ।

में आ नी कंय सकू कं म्हारी कवितावा आम पाठक रें किता
प्रति शत नें आपरें सागें लय'र चालें है पण आ बात सजोरा कंय सकू कं
कविता जठें ताई कुटम्बघर समाज रें घण कट हिस्सै री साची फोटू आम
पाठक रें सामी नी राख सकें, बठें ताई हू उणने कवितानी सीकार सकू ।

रचनाकार जठें ताणी रचना रें भाय ययायवादित्ता रा थोडा
भोतई गुण नी राखसो बठें रचना रो कोई नें कोई उजळो अग पकायत
दब'र रेंय ज्यासो ।

में जठें म्हारी कल्पना करेडो मायलो पीड कानी स्यू सावचंत
हुय'र उणने कविता मे बावण रें खातर रिज्या हू बठें मानखें रें मोलकानी
स्यू भी सावचत हू । रचनावा खातर में आ कंय सकू क कविता म्हारें

मातस स्यू नीसरैडी एक भमूज है । हो सके म्हारी कवितावा परम्परागत चिंतन स्यू भळणी हुय'र सीधी सपाट भावुक हिडदें री ओळगण करावें ।

घणकरी कवितावा रो सम्बन्ध भी आज रै मिनख अर बीरें सघप स्यू है । पण मिनख स्यू भी एक किलास नीच री थैली माय रखणें भाळा, कैं दो किलो दाणा उधार माणणें भाळें मिनख स्यू कितीक नैडी है आ तो आप ई जाण सकोला ।

जका जुल्म सैय रैया है, बान कष्ट माय जीण रा ससकारा स्यू जद ई मुक्ति मिलसी जदक उण माय सघप करणें री भावना उगसी । बिया केमी लोगां खातर सघप आपरी आपनै दियोडी मातनावा होवें । पण जुल्म सैवणिया जद अणै आपनै मिनख हुवण री जाच करे जद बान सघप स्यू ताकत अर समझ दोनू मिलें ।

सघप माय जै भविष्य रै सुख री कल्पना नी होव तो सघप करण भाळा भी आपरी जीतन जीत्या पद भी पीडित समझणें लाग जाव । कैवण रो अरथाव ओ ई है क मिनख मन अर भावना स्यू लगोलग टूटतो जाय रैयो है ।

आज रो मिनख अणै आपनै आत्मबोधी घणो समझ वो आपरी तरक्की कानी स्यू घणो उतावळो अर डेर फर हुयोडो सो लागै । मिनख अय (घन) री मासळ हाच्या कानी गडकडें दाई भाज रैयो है । इसा घोडा मिनख है जका ईमानदारी स्यू गुण अवगुण री परख राखता होवें ।

कई जणा कविता नै खाली भावुकता बता र बिज्ञान रो पख लभ पण केमी बिज्ञान नै नीरस अर कळा रो गळो घोटण आळी बताव ।

१९६६ ६७ स्यू हिंदी राजस्थानी भाषा माय लिखणें री बाण पडी, लिखण साह अके लगण पडी, जकी आज लग बकरार है । उण बखत स्यू लैय'र आज ताणी राज्य री घणकरीक पत्र पत्रिकावा अर सब-

सनी माय छपतो रेंयो । १९७३ स्यू भावाशवाणी माय भी दाय चार दफ रचनावा प्रसारण रो मोको मिल्यो॥ म्हारें मन माय सतायो क रचनावा, छपणें रो गैला खुद ब खुद रचनावा आपरी रवती स्यू करे । दिन ब दिन कवितावा सास सँवणें रो स्वाभाविक प्रक्रिया दाई लिखीजणी शुरु हुयगी ।

जठ बैसाख रो उक्लती भोक्ल स्यू ओजू ई भण्णजण जावतें टाबर भर खत बगतें मिनख रा पग बळें, ठा'नी वदताई आ लोगां रा पगल्या इया ई बळता रेंसी । क तो आ भोक्ल आपरो सुभाव छोड देसी क लोगां रा पगल्या इता सबळ हुय जासी क बारा पग बळ नी सकें ।

आजादी रा ३० वरस बीतल्या पण ओजू ई, मुलक रो वाणेंदार बिया ई थाण माय बडते भलें मिनख रो ठोकर भर. मादर. रो गाळ स्यू सुवागत करे ।

ओजू ई गाव रो ग्रेज्युग्रेट जुवाण कचडी भर दपतरा रें अकसर स्यू बात करतो सक । ओजू ई समाज रो एक बडी जमात ऊची पढाई बिना जुगाट अणभणिया रेंय रेंया हे ।

आज रो गाव ४०-५० वरस पल्या र गाव स्यू घणा अळगो भर करव दरसावतो नी लागें ।

गाव रो जुवान भलाई ५ स्यू १० किलास ताणी भण्णजलें पण भौतिक लडाई रो दौड माय वो आज ई आपर अणभणिया बँन भाया स्यू घणो लारें समझें । उणरा मा वाप उणरी बेकारो भर खत माय काम करण रो निवळी खिमता देखर दूजा टावरा नें सरावें भर भण्णजणिया टाबर नें पढा र खोटी करणें र माथें पिसतावो कर ।

उपरला चित्रम आ दीठार्व क में म्हारो अस्तित्व म्हारी रचनावा इण चित्रामा स्यू अळगी किया राख सकें ।

भाजादी रे चार बरसा पैत्या राजस्थान रे भायूणी हिस्से में बस्योहै रतनगढ़ माय मध्यम वर्गीय परिवार माय मोदी बेटो भुवावलणो सुभाग मिल्यो । स्याणो हुवलण रे बैम स्यू लय'र सत्रा बरसा ताई रतनगढ़ कलकतो शिरदारसहर भर बगबई माय रैनन पढाई रे नांव माघे अणूतो भटकाव ।

(तमें पाच बरसई मेट्रिक पास तई करीसको) गुजराती मास्टर र कैवता थका भी दसवी पास करी । म्हारा आदरणीय गुरु श्री एस पी सिंह रो सत प्रेरणा स्यू में मायता रो मनस्या नी हूँवता थका भी एकलव्य परम्परा माय पढणै रो हूक मन माय लिया पंतुक घघें मे रवि राखणै र छातर आयुर्वेद माय विशारद पासकरी । कलिज भर विश्वविद्याल्य रे बारै बारै फिरता थका भी ऊची शिक्षा रो सुपनी पूरो करयो । पढाई रो भूख गळदाई माय बदळ रैयी है । एम अरे रो दो-दो डिग्रीया रो बोझ बैमन स्यू लादया फिर हू, ठा नी आ डिग्रीया स्यू म्हारो अपमाण ह्यो है कै डिग्रीया रो म्हारै स्यू ।

कविता क्यू भर किया लिखणी शुरु करी आ खरी खरी तो नी यादपण आ कैय सकू कै पढाई भर बैकारी र दिनां विवाळै आशोश-कुण्ठा रो तपण सू काचरी ज्यू तूटतो रैयो भर मन मे कवितावा रा उदगार बतू-लिये रो दाई उठता रैवता भर ओळया बणनै उतर आवता कागद माथ ।

म्हारो कवितावा आन प्रबुद्ध पाठका नै किसीक दाय आयसी आ तो ये ई जाणो ।

—श्याम महर्षि

वसंत पंचमी

सम्बत् २०१४

आन्तरो

मैं हिन्दू हूँ मुसलमान हूँ
किरिस्तान हूँ ।

म्हारा न्यारा-न्यारा
भगवान है ।

जिका न्यारी न्यारी जिगा
मिंदर, मैजत, अग्निघगर
अर गिरजाघर माय
विराजै ।

सगळा रै भगवान रै
दो कान, दो हात, दो पग
अर अेक नाक हुवै
सगळा रै भगवान रो
उणियारो
मिनखा स्यू
रळतो-मिळतो हुवै
पण' फेर ई

इएनै पुजणिया आपा
 आपसरी माय
 इया लडा
 जिया को ई
 न्यारी-न्यारी जात रा
 जीव-जिनावर होवा ।
 अेक रूप मे
 घडीजेडिया इए
 भगवान रा भगत
 आप-आप रै भगवान नै
 बडो बतावै
 खून-खराबो करै
 लडै मरै,
 काई करै वापडो
 अकेलो भगवान
 आभै वैठ्यो
 सुबकिजै
 आसू बुहावै
 अर पिस्ताओ करै
 इए बातरो
 क'जैमैमिनखा नै
 घडतो वैळा
 सिस्टी रै बीजा
 जीवा दाई
 इए माय

कदास अक्कल नी घालतो
 तो आज अ
 म्हारा न्यारा-न्यारा भगत
 आपसरो मे म्हारै
 उपरा नी लडता ।
 भगवान दुखी होय
 मन मार्योडो सो
 उसास पड्यो
 “अबै हू धरती रै ठिकाणै
 नी जावू ला
 जठैरा मिनख
 म्हनै कैद करणो चावै ।”



काळ

काळ
विना-बुलायै
बटाऊ दाई
धिगाणै-अचाण चुकयै ई
विरखारो गळो मोस'र
भूख
अभाव
बिमारी
अर दुखडै नै सागै
लैय'र
आधी-तूफान रै बैंग दाई
आ उब्यो
गावडिया माय
नागो नाच
करण लाग्यो ।
गावरो बस्ती रा लोग

इण रै आणै रै
 सरणाटै स्यू ई
 सैम-गैम होग्या,
 धूजण नै लागग्या
 हात पग सूज ग्या
 काळ रै आणै रै
 पेल्या ई
 याद आवता ई
 उवारा कण्ठ सूक ग्या
 काळ अर उणरै
 सागडदिया स्यू
 सडनै री हिम्मत
 अब बामेनी रैयो ।
 भूख स्यू बिजखता
 टावर
 फाट्योडा घावा पेर्या
 घरवाळी
 तिस्या डिडावता
 डागर,
 बाणियै रै
 ब्याज मे बढोतरी,
 खेतडला री सुनैड,
 बाही ज पी डवल्यू हो रीसटव
 रैवैन्पू रा जोडा
 अर पचायत री मंड बन्दी

मरता-पचता भी
 प्रतिशत रै नाव माथै
 लू ट-खसोट
 कारज वन्दी री धमकी ।
 सायता रै नाव माथै,
 सुबिजता री बात माथै
 बचैडै भुगताण माय
 अे समरथ लोग
 “ऊपर स्यू हुकमनी आयो”
 कैय’र
 चुप राख दैसी
 इण कल्पना स्यू
 घारा जाडा जुपग्या ।
 अेक दिन सिइया
 गावरी गुवाड माय
 सिरकार स्यू
 ढोल बाज्यो
 “काळ पडग्यो/दिनुगै स्यू
 गाव रै डेलाणियै/जोहडै
 माथै काम लागणो है ।”
 अर
 काळ रै
 इतिहास माय
 अेक पानों
 ओजू जुडग्यो
 □
 १०

अेक लाम्बी कविता

ढोगारलै गाव माय
बोदियै कूबै रो टाढो,
सात्यू सिइया री पो'र
उमो कोटवाळ
हेलोकर्यो,
कालै सूरज उगालो री वैंळा
गाव री पचायत माय
सगला मुरया
बैठनै बिचार करैला,
क माणकिये सासी
री भाणजी
गाव रै जोहडै माथै
जाय 'र जोहडै रै
पाणी नै भिसैळा दियो
काओ कर्यो जावै,

— — —

पचायत री बैठक माय
 फूसजी ठाकर
 जालू चौधरी
 मोवन माराज
 जैसो दर्जी
 केसरो माळी
 शिवो लुवार
 अर
 रामूडो चमार
 भैला हुया
 पचायत री बैठक
 सरु हुयी
 गाव रा घणकरा
 लोग लुगाई बैठया हा
 चुपचाप
 न्याव री वात
 सुणनै रै वास्तं
 ठाकर सा बोलया
 "गाव माय अबै
 सुगलोवाडो बढतो जायरियो है,
 कारु कमीणा
 आप री मरजादा
 छोड 'र
 माथ हगणनै तयार हुयरिया है,
 फी जावतो होवणो चाहीजं

नी जणा की नुकसान होवैलो”
 मोवन माराज हुकारो दियो ।
 जालू चौधरी आपरी बात
 ढेरियो कातता-कातता
 कैयो क आजादी सगळो
 आरै माय हीज बडगो
 जको आपरी
 ठोड पर रैय परा’र नी जीवै,
 जैसो दर्जी बोल्यो —
 “माणकियै सासी नै
 डड मिलणी चाहोजै
 चायै गाव स्यू काढो,
 चायै जुरमानो करो,
 चायै वंगार देवो,
 नी जणा
 धम भिस्ट होवतो रैवैलो
 भिसटवाडो इया ही बढतो जावैलो”
 शिवो लुहार हा भरी ।
 केसरो माळी
 खडो हो परो’र बोल्यो—
 “ठैठ स्यू म्हारा बडका
 जोहडै री हखाळी
 राखता आया है,
 में पण समभण लाग्या पछे
 ओ काम करतो आयो है,

पण ठा नो
 माणकियै सासो रै
 परिवार री आ हिम्मत किया पटी
 मैं तो कैवू क
 इणनै गाव स्यू
 सिर मु डाय'र काढयो जावै ।
 बिलम पीवतो रामूडो चमार
 बोल्यो—

“बोझी वरकी जात है
 इण सागै
 की नरमी वरती जावै
 बापडा जुगा स्यू वस्ती माय
 रैवता आया है,
 सात्यू जाता नै रैवणारो
 हक है ।”

रामूडै रो इण बात माथे
 पच-पचाण री
 त्योर्या चढगी
 चौधरी खखार र की ऊचो हो बंठ्यो
 ठाकर सा होक्कै न खैच मुह ऊचो करयो
 मोवन माराज आपरा हात मसळण लाग्या
 माणकियो नू' स्यू जमी कुचरै हो
 रात घणी चली गयी
 पण नतीजो पचायत
 निकाळ नी रैयी ही

पच प्रधान रो
 हुकम हुयो
 माणकियै रै परिवार नै
 सुणाई रो मोको
 दियो ज्यावै है ।
 माणकियो सासी
 हाथ जोड'र सडो होयो
 पचायत माय
 काना फुसो सह हुयगी,
 इत्ते नै
 माणकियै सासी री घरवाली
 पूनकी सासण
 उब्ब्यो हुयो अर
 पचायत स्यू
 बोलणै री इजाजत मागी
 पचायत स्यू हुकम होयो
 बा बोलण लागी
 "जद स्यू में
 इण गाव माय
 व्याहीज'र आयी हूँ
 थे पचायत रा हखाला
 धम रा हिमायती
 म्हारी गुवाडी माय
 खाट माथे आय'र
 सारी-सारी राता

म्हारी छाती नै मसळता
 डील नै मरोडता
 अर म्हारै होठा नै
 चाटता रिया हो
 इण स्यू थारो धम,
 गाव रो मरजादा नी टूटी,
 अर आज
 “ई परायो टाबर स्यू
 भोळपण माय
 जोहडै रो पाळ माथै
 जाणै स्यू पाणी रै
 हात लागता ई
 थारै गावरो धम भिस्ट होयग्यो
 म्हने आ वात समझायी जावै
 कै कुण सो कायदो अर धम रो
 आण है, जिण माय
 म्हारै शरीर'र हाथ मु 'डो
 लगाणै रो सै'ने हव है
 अर म्हारै टाबरा रै
 पाणी रै हाथ लागता ई
 घम भिस्ट हो जावै ।”
 पूनकी सासण रो वात
 मुण'र पचायत माय
 सुनैडआयग्यो
 जाणै चिड्या माय

भाठी पड ग्यो हुवे ।
न्याव रो ताकडी टूटगी
घम रो नेठ्यो छूटग्यो
कर्म रो लडचा उळभगी
अर पचायत विना
सळटाव अर नतीज
उठ'र बहीर हुयगी ।



आज रौ रावण

आज रौ रावण विराजै है
आपरै ठाडै मजबूत गढ़ माय
राम आज भी घर काढचोडा सा
भीड़ भडाकै रै उन माय
भटकीजै है ।
सीता डरचौड़ी सो, निस् फिक्कर
नी हुयी ओजू ताई
आज रा लिछमण रुठचोडा है
भाई राम स्यू ।
भारत रौ भोळी जनता
हजारा बरसा स्यू बाळ रैयी है
अेक रावण नै
गाव अर सै'र माय
नित नु वा जलम लैवै
रावण अर उवै रा भाई

ओजू ई देस माय
 डराओ, भगाओ जावै है
 सीतावा अर लतावा ।
 आज रो राम निबळो
 रावण अर उणारा भाई
 होग्या है अणगिणत रा
 समझ रिया है
 राज आपरो ।
 सतजुगी रावण रै
 बीस भुजावा ही
 पण, आज रै रावण कर्न
 सैकर हात है,
 कद ताणो चालसो ओ
 राम-रावण रो जुध,
 कदै फिरैली सीतावा
 हुयर आजाद,
 कठै है लिछमण सरीखा भायो
 अर, हडमान सरीखा सेवक ।



चौथ रो चौद

उण बिरती नै प्रणाम ।

जिण स्यू

आज भी

चाद ताणी

पूगता थका

लुगाया

चोथ रै

चाद नै

ओजू ई

अरग दैवै

पूजै

अर, आसोस लैवै ।

□

पोसाळ

सिक्सा रो
बा दुकान
जठे मा'रजा
टैम रो मोल
पईसा स्यू करै
चैला जठे
आपरे टैमने
भणार्ई नी करणै रो
ताकडी स्यू
तोलण नै रीजै ।



भावा रो बिस्वास भजारौ स्यू

जणी रै माथे मे घूड गिरं
बखता री बाता मे सास जुडं
सगळै दिन बै चिलमा पीवै
कुण जाणै किण री साख घुडं
राता नै लाता वाणी पडै
सूरज री चढती उगळी स्यू
कुण जाणै किण रो काम सरं
भावा रो बिस्वास भजारौ स्यू
छोदीजं चिन्तन रो मो 'रा
ओकळ री घरती घोरा स्यू
बोलीजं भरम सजोरा
सिरजण चुकयोढा घोरा स्यू ।

मागतोडो

भोखै बाणियै रो
गुवाडी
सिझ्यारी वैळा
चोखले चमार
रो छोरो
धूजतो-धूजतो
माथो नीचो करघां
आय उब्यो ।
भोखै नै
नैडास रो बोध
करावतो बोल्यो—
"ताऊजी
माऊ
दो कीला
दाणा मगाया है

पईसा
 परस्यू ताई
 बापू की ठीक
 होवता ई
 मजूरी ल्यार
 पैलपोत थाने
 देस्या,
 घरा दोय दिना स्यू
 चूल्हे हाडी
 नी चढी है,
 बापू री आसग कोनी
 मा हीडा-चाकरी करे,
 हू घने सियाग
 रे अठे
 मजूरी गियो
 पण
 बो पै' ला रा पईसा मागे हो
 बीड लिया ।"
 छोरै री आख्या स्यू
 आसूडा ढळग्या
 भीखो गरज्यो
 "म्हने ठा नी
 थारो बाप जीवै है क मरे
 पै 'ला रा रुपिया रो व्याज
 ५ रु सैकडा स्यू

ओज्यूं ई बाकी पड्यो है,
१०० रुपिया रें बदले
चारी च्यार भी 'ना रो मजूरो स्यू
म्हारा रुपिया नीं उतरचा है
छोरो घणो गिडगिडायो
रोयो
हात जोडचा
पण
भीखें रो काळजो
नी पसीज्यो ।

□

रुखाळ

मेह अन्धारी रात
कुतिया भू कं हा
चोर चोरो कर 'र
भाजरिया हा
कई-अक
सिपाई भो उवा रं
सारं भाजरिया हा
कुतिया जोर जोर स्यू
भू कण लाग्या
सिपाया माय स्यू
अक बोल्यो—
"रं कुतिया
चुप रेवो
बिरादरो नं भो नीं जाणो"
कुतिया सरमोज 'र
चुप हुयग्या ।

□

Purchased with the assistance of
the Govt of India under the
Scheme of Financial assistance
to voluntary Educational and
Scientific Institutions
National Book Trust, Calcutta
in the year 1961

डर

समाज रो गळेडी
जूनी परम्परावा ने
तोडनने
मिनख
इ या डरपीजे
जिया बोई
फूट्योडी
हाडी स्यू
वण्योडे माथे
अर
फाट्योडे घावा स्यू
ढकेडे
बिदरगे
अडू वे स्यू
भरमोजे
डरपीजे
काळा कागला

सभ्यता

कल्वा, सभा, सोसाइटी
अर सभ्यता रो
तकादो
करणियो मिनख
प्रागेतिहासिक
टैम री
सभ्यता स्यू
वराबरो अर ईसको करै—
नागो रैवणो
ओपन संक्स,
हिंसा स्यू हैत
अर
लू ठा कसूर
कर परा' द

आपरी पराचीन
सभ्यता माय
चावै है
घालणी साख ।



बुढ़ापो

टाबर परौं स्यू
सीधो ई
जुवानी रै उपरा कर
उलाघ'र आयग्यो बुढ़ापो
पण
इण उतावळ नै दैसता
कोओ इचरज
नी है
क्यू 'क जुवानी रा सुपना
टाबर धका
दिखीजण नै लाग ज्यावै,
इण खातर तो
जुवानी रो समझ
लोगा नै
बुढ़ापे ताणी की नीं आवै ।

बुढ़ापेँ रो वदनामी भी
 अब
 टावर थका स्पू लैय 'र
 बघेड उमरताणी
 होवण लागगी है ।
 घोळा वाळ, कम सूजणो, कम सुणनो
 अर बोखो होवणो
 अँ सगळा लखण
 पाच वरस रँ टावर स्पू
 लैय 'र बुढ़ाप रँ असली
 टैमताणी वदै भी
 दिखीजणा सरु होवण
 लाग ज्यावै है,
 आज रो बुढ़ापो
 सूधै अर स्याणं पणं
 रो प्रमाण नी रियो है ।



मिनख

मिनख जकी उतावळ स्यू
बढरिया है,
वी स्यू ई घणी उन्तावळ स्यू
मिनख पणो निवड रियो है,
लोग आपरें डोल नें
जीवतें मास रें लोथडे दाई
मन मारचोडा सा
लिया फिरें
अर,
मन ई मन ओ विचार करें
क'मन अर डोल रो ओ
सम्बन्ध वयू बण्यो है ।
वै जी रिया है,
इण सातर कै
मर नी रिया है ।

नगळा ई आपरो
 भोड सू, डरघोडा सा
 डेर फर हूयोडा ना
 अक-तूज नै
 ओनरो निजर सू
 दै नता थका
 जा रिया है, अर
 मन ई मन माय
 सोच रिया है क
 साळा ई चोर है
 अर कोजी चीज
 चोर नै जाय रिया है
 जदो नै नै जागी
 केरू टो
 पुन है।

मानोजता

पै'ला होवता मानोजता
वै लोग
जका वन्नै
हावतो मोक्छो धन
राखता स्तवो घराणै रो
का साख होवती, धर्म अर ईमानरी
जिए स्यू वै
गाव, समाज अर कुटुम्ब मारु
करता पचायत अर न्याव ।
आज रै नु वै सद्म माय
बदलाव राखतै टैम माय
मानोजता री परिभाषा
बदलीजगी—
अवार रै मिनख नै
मानोजतो वणनै रै खातर

चाईजै

पच, सरपच

अर का कोओ लू ठी

पार्टी रो

मैम्बर सिप

का-फैर करतो होवै

दसखत कोओ

रब्बड रो मो'र माथै ।

का-मानीजतो वो है,

जकै-लारै होवै

भीड घणी स्यू घणी

का-कोओ करतो हुवै

इस्यो काम धन्धो

जिण स्यू पईसा

ईया वणै जिंया कोओ

आभै माय तारा ।

का-राखतो होवै भोकळा

लट्टु भारती अर

गुण्डा रो टोळी

वो होज ही है

आज रो मानीजतो मिनख ।

□

बौपारी

कैवतो सुणिजं
अेक बौपारी दुजं नै
'राज रा नित नु वा
अडगा स्यू
सगळो बौपार हळग्यो''
पण
कोओ भी बौपारी
आपरो दिवाळियो निकाळ
रसोइयै रो काम करतो
का-कठै ई हळ वावतो
अथवा कठै ई चपडासगिरो करतो
निजर नी आव ।
दिनो-दिन अै
बौपारी बाजणिया लोग
घणा-घणा पर्ईसा बाळा

होवता दोसै है,

पण

आरै अठ रा हाळी-मुनीम
अर दूजा मजूरी कोणिया लोग
दिन-दूणा गरीब होवता
जाय थिरा है ।

वौपारी दुकान माय
बात करै खुमर-पुसर माय
राजरै टैक्सा अर उपरला
खरचा स्यू तो अब
जीणो ओखो हुयग्यो है
कारज बन्द करणो पडसो
पण,

फैरु भी

गाव अर सै रा माय
नित नु वी
हेल्यां-कोठ्या
अर बगला
बणता दिसै हैं ।
क्याव अर जलम दिन रा
उछाव आं रे
बिया ई मनाईजै
जिया रजवाडा अर
नवावा रा ठाठ,
काळी ठा राजरा

समाजवादी घोडा
 आनै क्रिया नी
 नावड रिया है।
 बौपारी रै लैबल स्यू
 मुलक माय घणा लोग
 तस्करी चोर बजारी
 जमाखोरी अर दूजा दूजा
 बै धन्धा कर रिया है
 जका
 समाज, धर्म, जाति
 अर मुलक रो
 मान्यता स्यू
 घणा-घणा अळगा है।
 केओ-आनै समाज शोषक कैवै
 तो केओ धवळा हाती
 केओ-आनै मुलक रा दुस्मी समझै
 पण
 सगळा आरै सामन
 आवता ई अपनै आपनै
 अक्कदम गरीब, अर अपाहिज समझै।
 भूखा नागा लोग
 अज्ञान रै कारण
 आरै आगै हात जोड-जोड
 अपनै आपनै भागी समझै,
 तो केओ समाजवादी,

अर क्रातिकारी कैवावणिया लोग
आरै
अंस, आराम नं देख-देख
हात मसळै अर
क्राति आवणै रै अलान रै सागै
चाल पडै घरा कानी
जठै सूकी-पाकी
रोट्या सू बाथरडो
करणे लाग ज्यावे ।



किरसारा

फाटचोडा गाबा पैरचा
ओ दिन-रात
माटी मे सिर दिया
मरतो-पचतो रैवं,
इए रो कमायो स्यू
समाज रो सात्यू
जात्या पेट भरै,
जीवं
पण,
ओ खुद !
भूखो-नागौ रैवं
सियाळ रो डाफर
उन्हाळै रो ताप
भर चौमासै रो
बिरखा माय

धेक सात स्यूं
 कारज करै ।
 इण रै कमतर रै
 फळ स्यू
 बडा लोग
 और घणा
 बडा बणाग्या
 इण रै काम स्यू
 घरनो सोनो ऊगळै
 आभो इमरत बरसावै
 बापरो मन हरखावै
 पण ओ
 बिया ई
 भूवो, तिरस्यो
 दिन-रात
 आपरै
 काम माथै
 लाग्यो रंवै ।

चिमनी रो धुवो

मिल री
चिमनी रो
धुवो,
मिल माय
काम करता
मजूरा रै
वळतै खून
घर
गळती हाडचा री
ओळखाण
करावै ।



साप

समाज रा काळ वेलिया
सापा नै
पाळें,
हसाळें
अर
बद राखें
आपरें
गिटारा माय
टैम-टैम माथे
वानें, नचा-नचा
समाज री
भोड स्यू
आपरो सुवारय
पूरो करता
रेंवें ।

पाठ

क—मानै

कबूतर

शांति रो प्रतीक

ख—मानै

खरगोश री रफ्तार

वगतो मुलक

ग—मानै

गगन भेदी उवाज स्यू

बोलता मिनख

“मैतत स्यू मुलक बडो हुवै”

पाठ पढावतो मास्टर

मन ई मन माय गोखै

मणिजणिया टावर

कद ताई

याद करैळा

यो पाठ ।



जहर

भूख
गरीबी अर
कमठाण रो जहर
पीवतो,
भाज रो मजदूर
अर किरसाण ।
देस रा
देवता हरखोज
के अवे
ओ जहर
दूजाँ ने
नी पीवणो
पडे ।

ऊमीजतो सैः'र

मिनसा रो
भोड सू
ऊमीजतो सै 'र
गाव कानो
लफासा लैवै
बदास,
ऊमीज मिट जावै,
पण
बो आ बात
बिसरै कै
गाव रा लोग
म्हारै कानो
आख मोच र
आय रिया है ।



हाडो

हाण्डो रं पोन्दे
माय चिप्योडो
साग
लफास लाग्योडं
मोटचार रं
पेट री होड करे,
अर
दोनू ई
आप-आप रं
अस्तित्व नं
सावचंत
राखणै खातर
जुघ करे
भरैडो हाण्डो
अर पेट स्यू ।



मइला बरस

मइना बरस

माय

व्याईज आयोजी

अणपढ चीनणी

माग करै

आपरै

मोटघार स्यू

उवी अंडो

री सैण्डल,

टरीन री साढी

थर सोनै रै

वगड री ।

परैज करे

रोटी पोवणै

कपडा घोवणै

पाणी ल्यावणै स्यू,

अर

वखाण करे—

“मइला वरस रो

लुगाई-मोटघार

संग वरोवर है

अवै म्हाने भी

बोलण रो दरबार है ।



छूट

छूट है,
बोलण री,
कम तोलण री
कम मापण री
जग ठगण री
पण,
छूट नी है
घाप'र खावण री
वमावण री
नर ज्यावण री
मन री यात
बतावण री ।



भूरजी पितर रो नाडो

भूरजी पितर रो नाडो
आखा लैवें
नाथी वाई
आगै पाछे
नैडै-आतरे
रो भिजोक मिटावें
भूरजी पितर रो नाडो
पेमतो रो बोरलो,
रुधलै रो
बाछडियो
चैनको रो पाजेब
बतावें
परचो देवें
भूरजी पितर रो नाडो
सुत्पा रा भाग जगावें
गै'लारो बात बतावें
चोरा रो साख घलावें

ठगां रो जात बताव
 भूरजो पितर रो नाडो .
 नारैळ बधारचो
 घूप खेयो
 आखा दिया'र
 हाथ जोडया
 बोली हेमो जाटकी—
 “म्हाराज बखाणो
 टोडियै रो (छोरै रो नाव)
 पेट दुखै, हिवडो हिलोरा खावै
 काओ कर ?”
 पितरजो माथो भु वायो
 जबडक दिही—
 “जा-जा मीगणा कर दैसी ।”

शिक्षा शास्त्री

अंतर कण्डीसन रो रैवासो
फस्ट किलास माय जात्रा करणियो
देस रो भणार्ई विसेसज्ञ
अमरिका इ गलैण्ड धर
बीजा पिछमी मुलका रो
चकर लगाय
मोटै दफतर माय
विराजै, अर बिचार करै
मुलक रो हूबतो भणार्ई—
रै मोल माथै ।

आपरै टाबरा नै
पब्लिक इस्कूल माय
भणार्ई खातर भेजै
खुद कैबरा माय जावै
अर सगळै टैम
चितन रो दिखावो करै
गरीबा रो भणार्ई माथै ।

भणार्ई अर छात्र अनुसासन रै
 वास्तै
 नित नु वी बैठका अर संमीनार
 बुलाई जावै
 मुलक रै भणार्ई रो व्यवस्था
 रो मिलाए करै
 शिक्षा सिद्धात
 रो जूनी पोथ्या स्यू ।

पराईमरी स्यू कॉलेज ताई
 सगळै आ ही कैवै
 पढैसरचा न पढाएो चाहीज
 वानै ओ ध्यान नी दैएो
 चाहीजै कै
 कठै कायो हुय रैयो है
 मुलक रो भणार्ई स्यू
 आपरै चिन्तन नै जोडै
 अर शिक्षा नीति रो
 असफलता माथै दु ख
 परगट करै ।



नौकरी

पारस रँ भाङे ढाई
भगवान रँ दरसण दाई
मोत्या मु घो है
नौकरी,
काम करतो मिनख
जठे
काम करणै रो
खिमता
गमाय रियो है,
बठे
बँकारी स्यू टुटेडो
मिनख
आपरो खिमता नै
कुण्ठाल कर रियो है
अर
खिमता रो माप कर रिया है
अफसर लोग
डिग्री अर पईसा रँ

धर्ममोटर स्पू
वैकारी अर भणार्ई
वढ रैयी है
नौकरी अर साच
घट री है,
मोत्या मु घो है नौकरी ।



मुलक रा ३० बरस

आजादी रा

३० बरस

इ या पूरा हुयग्या

जिया को ई टावर

जनम लैय'र

टावर स्पू जुवान होयग्यो है ।

आजादी रो ओ रुप

दिसणै मे घणो

रुपाळो, हिमाळो अर

सूरमो दिस्सै

पण

हाथ रो नवज दगती

इया लागै

जाणै ऊपरा स्पू

तेज-तरार दिसतो

ओ डोल

मांय स्पू

धोषो-मा दो
बर घणी सारो
विमारघा स्यू
दव्योडो है ।

३० बरस रो इण
मुद्दत माय
इणरै किताई रोग
लाग्या अर छुटघा
इण रो विमारघा न
घरआळा तो जाएं है
पाडोस्या ताण्या नै निग है
भूल्य मरो, बैकारी, तस्यरो
जमासोरो अर रिस्वत तोरो
जितो केयो विमारघा है
जिण रै कारण ओ
दिसणै माय सावळ
लागता थका भो
ओ मन हो मन माय
दव्योडो है,
मादो होय रियो हे ।
पाव जुघ रो जीत
बगला देस रो निरमाण
उद्दोग-घघे रो त्रिकास
अर के ओ साचा नैतावा रो

सेवा रो इन्जेक्शन
खावणै स्यू दिसरियो
ओ डोल,
ऊपर स्यू फूटरो, फरो
अर जुवान ।

३० वरस रै इण जुवान नै
ओजू ई आपा चावां तो
स्टेप्टो-माईसन रै इजेक्शन
रो अक पूरी फाईल देय'र
सावळ वर सका हा
पण

अठै ताणी इण
मोटधयार नै आपा
देस अर कारज
रै मायें चाव रो
सुराव टैम-टैम मायें
नो दैवाला
अठै ताणी
इण रो न रोग पटैलो
अर न
निरोग हो सवेलो ।



पोमलो लुहार

पोमलै लुहार रो हतोडो
बादुडी रो धुकणी स्पू
ली (लोहा) अर
बीजा पदारथ
बल अर गळे
चावै जिया कोरीज
पण
पोमलै रो माग तोडो
बो'रो
टोकू बाणियो
व्याज-पड व्याज रो
तकादो करै
भोगळियो रवणै खातर
उण माथै
जोर लगावै ।
बादुडी रै ओढचोडा
घावा माय
शाकै,

वीरै हिडदै रा
 किरवा-किरवा
 कर परा'र
 उण रै सागै
 बलातकार कर
 अर जुलमा री
 साख भरै,
 पण
 पोमलै रै
 हतोडै अर
 बादुही री धूकणी स्यू
 टोकू बणियै री
 जोर-जवर डील
 भी गळै ।

□

दिवाळी

रिदियो चमार
दो रुपिया रोज
मजूरी पर
चेंजें जाव

वाजरी रो रोटो
कान्दा रो साग
खायर रिदियो,
वीरो लुगाओ, अर छोरो
दिना नै
घक्का देंवें ।

दिवाळी रें पाच
दिना पें'ली
बुधवार नै
रिदिये रो छोरो

डिफिनरिया रोग स्यू

जकडोजग्यो ।

डागघर रो

जवाव

छोरै रो

घोरां कान्नी मू - -

पांचवो दिन

सै दिवाळो

सेठजी

मजूरा नै

मजूरो चुकावै,

तू काम थोडो करघो

दो रुपिया कम देस्यू

तू परस्यू देरो स्यू आयो

रुपियो कम दस्यू ।

तू रिदिया

पांच दिना स्यू

जावक कोनी आयो

हिलो र वाम मांय

भिजोक पडघो ।

रिदियो

सुबस्यो

म्हारो छोरो

उतरग्यो

पांच दिन हुयग्या

हाडी चढी नै
 सैठजो दडूक्यो
 म्हानै ठा नी
 काम माय भिजोक
 कयारा पर्इसा
 कयारी मजूरी
 कोयी हिसाव
 बाकी नी
 और कठैई
 मजूरी लाग ।
 रिदियो
 घरा
 भूगडै आगै
 बैठयो
 सै र माय
 छुटता पटाखा
 जगमगाता
 दिवला स्यू
 अरथ करै
 आपरी भूख अर
 छोरे रो
 मौत रो
 मुनैड स्यू ।

□

बै: लोग

सूरज रें
तावडें स्यू
काळा पडता
बै लोग
मुळकती
मैरात स्यू
हेत घालतें
किरसाण रें
पसीनै री
बूद स्यू
होड करै
रात धामणै
री गोळ्यां
दिन भजाणै री

बोलता रो
 भोग करे
 पण
 फेरु ई
 ऊगते सूरज
 रो किरणा रो
 रिपलकसन
 मैणत रो
 बूद माथे
 होव'र
 वा लोगा नै
 घम्ब रे
 छुडके
 ज्यू डरावे ।

□

डिग्री

डिग्री रें
बोझ स्यू
लदड पदड
जुवान,
अनुभव रें
निवडतें
भण्डार कान्ती
देख-देख'र
सोच करे
अर पिस्वतावे
कदास
गुणिजणें रो बाळ
पढणें स्यू
पे'ला ई
सीखतो ।

उकळती ओकळ

उकळती
ओकळ ज्यू
म्हारो काळजो
ओर पणो
उकळिजे
जद
मी देखू
वी लोगा न
जका
मुलक अर
समाज ने
चुस्ते इया
जियां कोयी
चिचड चुस्ते
भोळो-ढाळो
गाय ने ।

रमतिया

भावना रा रमतियाँ
स्यू खेलतो
मिनख
आपरी जिनगाणी रं
घरा नै बचावें
ऊपर-नीचें
भागें पीछें
पण,
वै पाछा
पड-पड ज्पावें
अर
ओळू दिरावें
सोनै रं बाळपण रो
म्हे ई रवैल्या
म्हे ई ढोया ।

नान्हो कवितावा

नेलो

किरसाण रो दुहाओ
अर मजूरा रो आण
रो बखाण कर'र
पेट पालतो अेक
मोटघार ।

अर्थ शास्त्री

भूख स्यू वायरडो करता
थका भो दूजानै
पईसा बणावण रो कळा
सोखावण वालो आदमी ।

पूजारी

घणा घणा जुलम करता थका
दूजा नै करम अर भगवान
रो ढर दिखावणियो
दलाल ।

राजनीति

वा बिमारी जकी स्यू
दूर रेवणियै नै ना समझ
अर माय रेवणियै नै
बिमार समझै

□

जातिवाद

सिखवाद

जाटवाद

मियावाद

अर

ब्राह्मणवाद

जातिवाद रै

जहर रो

अंक ही मुवाद ।



बंदो

ला वन्दी
ा वन्दी
वा वदी
तकाळ
हल्का वदी
किल्ला वदी
थर फेरु
तसवदी ।



ओकळ

आ ओकळ
पीळो मटमेलो
उकळती, बळतो
जैठ, वैसाख रे
म्होना मांय,
दिठाव करावें
मिनख नै
मृग तृष्णा रो
आ घरती ।
भाव रे
भतुलिया नै
आ ओकळ
भरमावें रिजावें
तिस्से
तृप्ति रो सागर
दिठावें
आ घरती ।

भतुलिया

भाव रा
भतुलिया
भपोढ दाई
उगै अर
मिट ज्यावं,
फेरे ई
मिनख
मन रे
घोडे रो
लगाम
आपरं
हात माय
रागण नै
रीजै ।

चाय रो कप

चाय पट्टी रें
होटल माय
रफतार स्यू
बडतो
सुसस्कृत गिराक,
एक कप चाय
कय'र
आपरो दशन
कप रो चाय माय
घोळें,
टेबल रें दूजें कानो
बैठचो
नू वो नेता
चाय रें कप माय
स्याणो चावै तूफान

पर
होटल मालिक
जाएँ
क आवता जावता
गिराक
चाय रै कप नै
बणाणो चावै
पानीपत रो मैदान,
दूजै दिन
कप की
ओर छोटा होग्या ।



बैम

आदी रात नै
भोमजी सेठ री
हेली माथै
कोचरी करळाटो मारघो,
सेठजी री
नीद उडगी
मन ई मन
भरमिज्या
कदा'स
लिछमीजी
कोचरी माथै
चड'र
बो'र नी
हो ज्याबै ।

लफासा लेंवतो पेट

इनक्लाब जिंदावाद रा
नारा लगाय
पेट भरणै रो
म्हारो आदत
घणी पुराणी हुय'र
बिगडगी है,
अब में
चोराये, तीकू टे अर
गळो कू चला मांय
घेराव सत्याग्रह
अर हडताल बेच'र
पेट भरू ।
फेरू भी
लफासा लेंवतो
म्हारो पेट

कुरा जारौ

भौमजी र नाव आगै
घ ना सेठ लागै
पईमा रो मार स्यू
पईसा बार सागै,
लाखा ई आव
लाखा ई लाग
घोती रो मार स्यू
घेर आगै भाग
जनता स्यू नेता
नेता स्यू जनता
लैवता-देवता
आगै ई आग
कुण आयो कुण गयो
सूत्या ई जाग
टेकमा मे आवाधापो
लेय देय'र आघा माफी
कुण जाएँ कठ पोव
कुण घोवै साफी ।

□

लीलटासो आंखयां

म्हारो आख्या माय
लीलटास रो रग
पण, फेर ई
मनै ठिठावै
अघारो । अघारो
हळ वावतै मोट्यार रो
काया देख'र
हरित क्रांति रै रोळा
माय मनै
म्हारो रगोन निजरा —
स्यु दिवळ
लागतो दिस्सै ।
दूध माय पाणी
अर पाणी माय दूध
मिलता • मिलता

गिलगिली

जठ असाढ़ रो महीणो
भैरो घोघरी
ढायलं गत रो
ऊ चली टैरुहो माप
जमीन रें गिलगिली
बरें,
जमीन हड़हडाट बरती
हैंसे,
भैर घोघरी रें
दण साल
अरडाट करती जमानो ।



सुवाल

तोजूडो मेहतराणी
ओ जू ई
सुवाल करे
छेठाणो रे सुहाग स्यू
कै, कद ताणी
बि-घोजतो रैय स्यू
थार आ लम्बा हाथा
अर,
घोळा-घोळा गावा रे
डर स्यू ।



पुजारी

गताबद्धां स्यू
भूखी रेवती
गरीब जमात नै
भोजू ई मिन्दर रो
पुजारी¹
सीख दैव, व्रत करणै रो
सठाण्या नै परमोद दैव
- 'थे दान करो'
ठा नो भगवान रो
पुजारी,
ऐक ई किलास माँप
भणोजणोया भगता नै
'यारा न्यारा पाठ
व्यू पढ़ावे ?



बदलाव

जैल स्यू निकलतै
पतंग स्यू
घमाको हूयो
अर, हिन्दुस्तान री
गिदो माय बैठ्या भगवान
बिदरु'र
मैहला स्यू
बारै जाय पडघा ।



